

Int@rnet en irristatzen

irristatzen@egunkaria.com

Iparraldeko musika

Taldeen eta kontzertuen informazioa sarean

Euskal Herrian Iparraldea eta Hegoaldea banatzen dituen muga hor dago eta zentzu askotan gainera. Telefonoz komunikatu nahi izanez gero nazioarteko deia agertuko zaigu fakturan, gure operatzailea bertokoa izanda ere. Baina Interneten mugak desagertzen dira eta hori baliatu dute Iparraldeko musika talde askok euren produkzioa Hegoaldeari eta munduari begira jartzeko, mugak gainditzeko.

Esaterako, Iparkor webgune sortu berrian 16 hardcore talde biltzen dira oso modu txukunean, euskaraz, gaztelaniaz eta frantsesez. Bakoitzaren gaineko informazioa aurkituko dugu, audio laginak eta guzti, eta eurekin kontaktua egiteko modua.



Beste talde batzuekin horrelako lana egiten Kultulan dago aspalditxotik sarean eta hainbat talderi buruzko informazioa aurki dezakegu euren webgunean: Txo, Irrintzina, Zaund, Skunk, Zapozain, Mister Saguak eta Zpeizurdiak. Haietako batzuek euren webgune propioa dute, Hendaiako Skunk kasu. Honek webgune txukuna eta nahiko handia edukitzeaz gain, bere Skunk Diskak disketxearen webgunea ere

■ **Skunk**
http://skunkdiskak.free.fr
■ **Agorila**
www.agorila.com
■ **Amanita Records**
www.amanitarecords.com

jabi zabala

■ **Kultulan**
perso.wanadoo.fr/kultulan
■ **Iparkor**
www.iparkor.ht.st
■ **Agenda 64**
www.agenda64.com

ezarri du sarean. Beste disketxe bat, askoz lasaiagoa berau, Agorila dugu eta bere katalogoa online jarri du salgai, frantsesez eta ingelesez, hainbat kantu entzuteko aukerarekin.

Emanaldiei dagokienez, bogaboga.com edo beste atari batean informazioa aurki dezakegu ere, zehazki musikari buruzkoa nahi badugu, Iparraldean egiten diren kontzertuen agenda aurkituko dugu agenda64.com webgunean.

Agendaz gain, musika taldeen informazioa, kontzertuak programatzen dituzten lokalen gida bat eta musika tresnen salerosketa gunea kausituko ditugu bertan.



Lehiaketak

Udalaren logotipoa ■ Tolosa. Udalaren irudi korporatiboa azaltzen duen logotipoa nahi du Tolosako Udalak. **Tolosako Udala** testua eraman beharko du irudiak. Proiektuak orijinala nahiz kolore bakarrekoa, DIN A3 neurrian eta kartoi mehe edo antzeko formatuan aurkeztu behar da. Lana aurkezteko epea ekainaren 8a artekoa da. Antonio Maria Labaien kultur etxean aurkezte behar dira proiektuak.

Kazetari gazteak ■ Andoain. Rikardo Arregi Kazetaritza sariarekin batera, Kazetari Berria lehiaketa antolatzen du Andoingo Udalak. 25 urtez azpiko kazetariak parte hartu ahal izango dute. Hauek euren lanak bidali beharko dituzte, betiere euskarazkoak eta edozein tankera-tako komunikabideetan argitaratutakoak edo emititutakoak, Andoaingo udaletxera. Saria 400.000 pezetakoa izango da. Bihar da lanak aurkezteko azken eguna.



Liburutegiari ongietorria

Erakusketak

Euskadi-Kuba ■ Getxo. Erromoko erakusketa aretoan Euskadi-Kuba harremanaren arteko erakusketa irekiko da astelehenean. Ekainaren 3a arte egongo da zabalik.

197 Gernika ■ Leioa. Unibertsitateko liburutegi nagusiaren erakusketa aretoan, 197 Gernika erakusketa

dago ikusgai, gaur hasi eta ekainaren 13a bitartean.

Ingurugiroaren hezkuntza ■ Lasarte. Asteleheneetik aurrera ingurugiroari buruzko erakusketa izango da Manuel Lekuona kultur etxean.

Argazkiak ■ Zarautz. Ekainaren 17a arte zabalik dago Pedro Zarrabeitiaren *Los colores del pueblo* argazki erakusketa. Photomuseumen dago ikusgai.

Gasteizko Gaztetxeak azkenean badu liburutegia. Urteetako ametsa izan da Gazte Asanbladarentzat, eta azkenean lortu dute liburutegi txukun bat egitea. Gainera, literatur aste oparoa antolatu duten inaugurazio horren harira. Gaur, esate baterako, Laura Mintegik hitzaldia emango du, *Literatura eta Generoa* izenburupean, 19:30ean. Ostiralean, inaugurazio ekitaldia egingo da, 21:30ean, errezitaldi antzeztu batekin. Bertan parte hartuko dute, besteak beste, Karmele Jaiok, Gerardo Markuluetak, Iban Zalduak, Patxi Zubizarretak, Jon Arretzek... Igandean, berriz, 21:00etan, Mikel Urdangari- nek eta Kirmen Uribek *Bar Puerto* euren saio berria eskainiko dute.

Hitzaldiak

Kooperazioa ■ Bilbo. Kolonbiasizene-ko plangintza eta kooperazioak dituen erronkak eta zailtasunak izango dira mintzagai, gaur, 09:30ean, Burtaren egoitzan.

Eritrea ■ Mutriku. Eritreako herriaren aldeko kooperazio hastearen baitan antolatu da hitzaldia, bertan dituzten beharrak, bizi duten egoera eta abar aztertzeak. Mintzaldia gaur izango da, Zabel kultur etxean, 19:00etan. Itziar Arana izango da hizlaria.

Botikarik gabe sendatzeko ■ Bera. Botikaren arriskurik gabe nork bere burua zaintzea hitzaldia emango du Eneko Landaburuk ostiralean, 19:00etan, Kultur Etxean.

Bestelakoak.

Gaztetxearen urtemuga ■ Arrasate.

Hamargarren urtemuga dela eta festa eguna antolatu dute larunbaterako. 12:00etan hasita txalapartariak, trikopotea, bazkaria *Torni* show ikusizuna, kalejira eta kontzertua izango dira iluntzera arte.

Irakurketa dramatizatuak ■ Getxo. Astearte eta asteazkenean, *El Conde Dracula tiene Sida* eta *Los ojos de la noche* lanen irakurketa egingo dute Teatro Independiente taldeak eta Barakaldoko Antzerki Eskolak. Bi saiak Algortako San Nikolas kultur etxean egingo dira, 19:30ean.

Diapositibak ■ Bilbo. Justo Ezenarro bidaiariak Argentinari buruzko diapositibak erakutsiko ditu bihar,

21:30ean, Sarea kultur gunean.

Gaztetxea ■ Deba. Astebururako zenbait saio antolatu ditu Gazte Asanbladak. Bihar, David batera jole gazteak emanaldia eskainiko du, 22:00etan, eta larunbatean, Ma-crea Clarke Ipar Irlandako barre eragilearen eskutik, kafe antzokia izango da, 22:00etan.

Antzerki astea ■ Deba. Bihar hasi eta ekainaren 3a bitartean, antzerki saio mordoa egingo dira Deban. Bederen 1, Gilkitxaro, Kasketa Kabareta... Egunero izango dira saioak.

Olerkiak ■ Abadiño. Norberaren olerkien emanaldia deiturikoan, Honorio Cadarsok, Peru Magdalenak eta Jose Mari Gomezek irakurriko dituzte euren olerkiak. Asteazkenean izango da, 19:30ean, Kultur Etxean.

Euskal Jaia ■ Bilbo. Igandean jai eguna izango da La Viejan. Izan ere, amnistia-aren aldeko hainbat ekitaldi antolatu dituzte. Hala txosnak, trikitixa eta erromeria izango da.

Ibiltarixanak ■ Zarautz. Igandean, 19:30ean, Gaztelekuan eskainiko dute *Ibiltarixanak* ikusizuna. Bertan, musika, errezitaldia eta irudiak uztartzen dira.

Bertsolaritza

Bertso astea ■ Oiartzun. Ekitaldi mordoa antolatu dituzte bihar hasi eta ekainaren 3ra bitartean. Esate baterako, udaletxeko areto nagusian bertsolaritzarekin lotutako erakusketa izango da ikusgai. Bestalde, gaur 20 urteren buruan hitzaldia egingo da, 19:30etan, liburutegian.

ZUZENKO DISKA BERRIA KALEAN

HURRENGO KONZERTUAK:

2001/05/26 MALLORCA

2001/06/09 IRUÑEA

2001/06/15 MADRID

2001/06/29 DIMA

2001/06/30 ARROSA

SU TA GAR | JO TA KE

2CD | 2NC

© 2001 GOR

MARCEL DE FALLA, 2

31005 PAMPLONA-IRUÑEA

T: 948151815

F: 948151812

E-MAIL: GOR@JET.ES

WEB: WWW.GORDISCO.COM

Egunkaria

TEL. 948180918